



INTERNATIONAL MONETARY FUND



Saopštenje za medije br.
ZA OBJAVU ODMAH
28. februar/veljača 2014. godine

Međunarodni monetarni fond
Washington, D.C. 20431 SAD

Izjava po okončanju posjete misije MMF-a Bosni i Hercegovini

Misija Međunarodnog monetarnog fonda (MMF), koju je predvodio Ron van Rooden, posjetila je Banja Luku i Sarajevo u periodu od 19. do 28. februara/veljače 2014. godine, kako bi vodila razgovore o nedavnim ekonomskim dešavanjima i politikama u okviru šestog pregleda po Stand-by aranžmanu (SBA) sa Bosnom i Hercegovinom. Po okončanju posjete gosp. van Rooden je dao sljedeću izjavu:

« I dalje se nastavlja skroman oporavak ekonomskih aktivnosti koji je podržan snažnim izvozom. Rast je, prema projekcijama, u 2013. godini premašio 1 posto, a očekuje se da će se u 2014. godini dalje povećati na oko 2 posto, u skladu sa poboljšanim izgledima u Evropi. Bankarski sektor je u velikoj mjeri stabilan ali i dalje pod pritiskom zbog rastućeg trenda nekvalitetnih kredita. Međutim, iako je broj zaposlenih počeo rasti, nezaposlenost je i dalje visoka, na nivou od 28 posto. U isto vrijeme, značajni rizici negativnih trendova se naziru, uključujući i one koji prozilaze iz opštih izbora krajem ove godine.

Vlastima je potrebno više vremena da provedu politike koje su dogovorene u okviru Stand-by aranžmana. To su politike usmjerene na poboljšanje naplate poreza, obuzdavanje vladine potrošnje, i unapređenje poslovnog okruženja. Tu su takođe obuhvaćene i mjere usmjerene na borbu protiv korupcije, poput novog zakona o javnim nabavkama i zakona o sprečavanju pranja novca i finansiranja terorizma. Nadamo se da ćemo vidjeti snažan napredak u pogledu provedbe ovih politika, uključujući i na strani parlamenata, kako bi otvorili mogućnost da Izvršni odbor MMF-a uzme u razmatranje šesti pregled po Stand-by aranžmanu.”

Kontakt osoba za odnose sa medijima:

Silvia Zucchini

szucchini@imf.org

Tel: +1 202-623-7100